

UN POCO DI TUR COS

JOSSY M. MANSUR

E antecesor di cabay , awe extinto, cu ta hiba e number di 'eochippus' tabata tin un garganta cortico, un boca chato y no tabata mas halto cu un cacho mediano.

Tin un reglamento na Washington D.C. , cu ningun edificio mag ta mas halto cu e edificio di Capitolio (Capitol).

E number berdadero di e cuadro "Mona Lisa" no ta Mina Lisa , sino "La Gioconda". E ta un portret di un muher florentino di clase media, o sea e esposa di un comerciante yama Francesco del Gioconda

Babynan recien naci no ta ciego, manera popularmente ta ser pensa. Estudionan a demostra cu babynan recien naci tin un vision di 20/50 aproximadamente y por distingui facilmente entre varios grado di claridad.

E verso mas cortico den Biblia ta consisti di tres palabra na Papiamento "Hesus a yora" (John 11:35). Na Ingles e ta consisti di solamente dos palabra: "Jeseus wept".

Den un aña galiñanan na Merca ta pone suficiente webo pa cubri henter mundo cien biaha.

E campo di vision di un persona normal ta abarca 180 grado.

Maury Maverick: "Democracia pa mi ta libertad plus seguridad economico".

Willem de Kooning ta un pintor Americano naci na Hulanda. E ta un fundador di expresionismo abstracto. El a pinta influencia pa Gorky, Miro y Picasso, y su pintura tin e caracteristica di capanan diki di pigmento. Un di su famoso obranan ta "Mu- jer!"(1952)

E filosofia di no-resistencia di Gandhi (1869-1948) ta carga e number di "Satyagraha"(forza di berdad, of di alma) . El a desaroya e filosofia aki for di su lesamento di Tolstoy, Thoreau, Testament Nobo, y Escrituranan Hindu.

Dia cu guera brota entre Inglatera, Francia y Hulanda (28 di juni 1803), e noticia aki no a bira cono- ci na Curacao te casi seis luna despues, (dia 29 di november 1803). E noticia a ser treci pa Cornelis Gerardus Evertsz na number di Staatsbestuur der Bataafse Republiek, na Curacao. Poco despues e noticia a yega Aruba. Esaki ta demostra con aisla Aruba tabata den temponan antiguo for di resto di mundo.

Testnan di inteligencia segun escala di puntuacion a aser desaroya pa un sicologo americano, Robert M. Yerkes (1876-1956) na aña 1918.

Fabula: Nan ta conta cu Jupiter a inspira den hom- ber tur cos, menos e sentido di verguenza. Ora ser humano tabata na mundo caba, e famoso Dios a bi- sa Verguenza pa e sigui ser humano, pero esaki a nenga, pasobra Jupiter a lubida di implante den ser humano for di un principio. Ora cu e no por a nen- ga mas , el a bisa cu e lo haci'e pero el a pone e si- guiente condicion:-lo mi busca ser humano sola- mente ora cu e no ta bay acompaña di amor, pas- bra si amor apodera di dje, ta casi imposibel intro- duci verguenza den dje.

Moraleja? Amor ta ciego y hopi biaha su victima- nan ta mes ciego cune.

SEGUNDO VUELTA PRELIMINARIO DI VOZ I LANDIA

ORANJESTAD(AAN)—
Diadomingo venidero, dia 10 di Maart, lo tuma lugar e segundo vuelta prelimi- nario di e Festival Voz I Landia Escolar 1985.

Esaki lo tuma lugar den e Ballroom di Aruba Concorde Hotel ans Casino y lo inicia pa 3 or en punto manera costumbre.

E semi final aki ta pa e grupo di participante di diez te cu dieztres aña. un total di 18 alumno di schoolnan basico di Aruba

lo duna un presentacion y e ensayonan a indica cu lo bira sumamente dificil pa e jurado pa saca e ocho finalistanan.

Como atraccion especial lo tin e grupo di baile di Jazzmin y lo tin hopi doorprize atrobe.

Tin algun carchi na venta ainda den e disco- barnan y cerca miembro- nan di e fundacion.

E participantenan ta Jerry Orman di Pius X

School, Valerie Habibe di St. Dominicos College, Sandra Noguera di Colegio Ora Ubao, Edmond Croes di Colegio San Hose, Helene Arends di Kukwisa School, Angelo Figueroa di Rosa College, Jesmine de Cuba di H. Hart College, Albert Peters di Prinses Wilhelminaschool, Nelson Tromp di St. Annaschool, Gloria Vega di School Rei- na Beatrix, Vicky Tjong A Tjoe di Colegio Santa Teresita, Alexandra Tromp di Colegio Bon Bini, Marelva Werleman di School di Ayo, Ramphis Tromp do OLV van Fati- ma College, Melisa Kock di Maria School, Sandra Priest di Paulusschool, Carin Peterson di Filome- na College y Ohab Bibi Fazia di Commandeur Pieter Boerschool.

Carichinan pa e gran final di 24 di Maart lo ta obtenible ya for di otro siman Diamars 12 di Maart na e schoolnan participante, Fatima College y discobarnan.

REVISION DI RED TELEFONICO TA CAUSA INTERUPCION

ORANJESTAD(AAN)—
Antayera varios bario a ser confronta cu e problema cu pa un rato no tabata tin contacto telefonico.

E caso aki no tabata uno ariba su mes, segun DIARIO por a comprende y durante investigacionnan conduci pa e matutino ne- tamente Arubano a sali di- lanti cu en verdad ultima- mente interupcion di co- municacion ta bira neces- ario pa motibo di testnan cu mester ser realiza ariba e red telefonico.

Informantenan a bisa DIARIO cu testnan ta ser conduci ariba e num- bernan nobo y esaki ta rekeri pa interumpi e comunicacion.

Como- quiera cu den horanan di anochi y especialmente

madruga poco uso ta ser haci di telefon, a ser dicidi pa haci e testnan aki den e horanan menciona.

Esey pues ta causa cu de vez en cuando tin in- terupcion di e comuni- cacion di telefon, cu normalmente ta dura pa un rato.

DIOS TA PORDONA TUR PICAR NA MOMEN- TO CU NOS CONFESA KENDE NOS TA PA KEDA SIN PORDONA OTRO ?


Accion Catolico pa Cuaresma

LIMPIEZA DI TUBERIA

ORANJESTAD(AAN)—
Dialuna awor for di 8 or mainta pa 5 or atardi tin limpieza di tuberianan di awa, tumando lugar for di brug di Piedra Plat den direccion di Paradera te cu Bambuco Bar na brug di Paradera.

Tambe e barionan di Piedra Plat parti Noord, Pavilla, Sero Preto, Para- dera y Vecindario di e cam- minda Piedra Plat-Parade- ra.

LESA
DIARIO



CUARESMA ta un tempora- da di observacion Cada dia nos ta refleja ariba nos existencia.

PAKICO PROBLEMA?

KICO TA MUNDO?

ASINA POCO POCO NOS TA SIGUI....

NA CAMINDA
PA SU CRUZ

Diavierna Santo hunto nos lo reuni na Cer'i Noca pa bisa: "DANKI AMIGO CRISTO PA BO CRUZ".